



Synfocity = 446

11th July, 2013

mail us at : mzsynfo@gmail.com; mizoramsynod@gmail.com - Phone - 2314648

□ Political Education Seminar on Mipui mawhphurhna

Vawiin (July 11) khan Synod Social Front chuan Political Education Seminar on Mipui Mawhphurhna, Pi Zaii Hall, Synod Conference Centre-ah a buatsaih a, resource person atan Rev. Dr. K. Lallawmzuala, ATC Lecturer an hmang. Seminar-ah hian Mizoram chungna Presbytery 34 leh Zoram Pawn Presbytery huamin Presbytery 35 atangin Moderator 35 leh Secretary 35, an vaiin mi 70 tel tura sawm an ni a, Presbytery aiawh mi 60, Official mi 5 leh Special Invitees mi 3 an tel thei a ni.

Programme hi session 2-ah then a ni a, session 1-na hi Synod Moderator Rev. Lalramliana Pachuaui-in a kaihrui a, Upa H. Lalhmingmawia, Social Front Coordinator-in inlawmna thu sawiin, ram rorelna leh politician-te lam hawia infuihna leh siam that ngai awmte siam that tuma tan kan lakna chhonzawm zel chungin mipui mawhphurhna lam inzirtir hi Synod Social Front chuan tul a ti a, a ngaipawimawh hle a ni, a ti. Rev. Dr. K. Lallawmzuala, ATC Lecturer-in Mipuite mawhphurhna tih thupui hmanga a paper buatsaih zirho a ni a, he paper-in a sawi lan tum ber chu ram rorelna hi mipui ten ral khat thlir mai lovin, mipuite ta a nih ang taka a siamthatna kawnga lungrual taka ke pen zel hi mipuite mawhphurhna a ni, tih hi a ni.

Chawhnu lamah session 2-na neih leh a ni a, Rev. P.C. Pachhunga, Executive Secretary i/c Social Front-in programme a kaihrui a, NI. Sarah Lalngaihawmi a zai zawhah chawhma lama paper zirho atangin zawhna leh sawihona hun tha tak hman a ni.

Tun tuma seminar buatsaih hi a bul tanna turah Social Front Committee chuan a ngai a. Presbytery Moderator leh Secretary te an sawmna chhan pawh mahni Presbytery huam chung theuhah a hlawk thei ang bera kal pui zui dan tur hrethiam ber tura ngaih an nih vang a ni.

□ Zin

July 12 (Zirtawpni) hian John William Hospital Committee-a tel turin Rev. Vanlalzuata, Senior Executive Secretary a kal ang. A zin chung hian a mawhphurhnate Rev. Lalzuithanga, Exeutive Secretary-in a la ang.

□ Synod Mission Board

♦ Vawiin (July 11) khan Rev. Lalchhuanmawia, Synod Mission Board Secretary chu Interserve Governing Body/ Executive Meeting leh Annual General body Meeting-a tel turin Pune a pan a, naktuk (July 12) hian Interserve Governing Body/Executive Meeting an nei ang a, July 13 (inrinni) ah Interserve Annual General body Meeting an nei leh ang.

♦ Synod Mission Board chuan Contract Missionary (Evan. Teacher) atan Vanlalsawmi, B.Sc.(Maths) D/o Pachhunga, Champhai Kahrawt chu a la thar a. Bungtlang South, Home Mission South-ah August 1, 2013 atangin a thawk tan ang. Bungtlang South hian High School hawng turin sorkar-ah an dil mek a, High School hawng tur hian Graduate Science Teacher 2 tal a ngaih avangin a ni hi lak thar a ni.

♦ Synod Mission Board hnuai Masihi Sangati Evangelist turin Contract Missionary hetiang hian lak thar an ni :

Hming	Pa hming	Khua/Veng	Thiamna	Thawhna tur
Jyoti Lalpeksangi	Lal bahadur Kami	Bungkawn, Aizawl	BA, MA (H)	New Serchhip Bial
Robert Lalduhkima	K. Romawia	ITI Veng, Aizawl	XII, B.Th. (H)	Mission Vengthlang Kohhran
Lalrinnunga	Engvara	Buarchep	UM	Zawnuam Bial
Yogesh Rai	R. Robika	Zanlawn	UM	Saitual Bial
Joseph Laldinthara	Sanate Lalrosiem	Ramhlun North	UM	Gospel Team, Aizawl

Anni hi Masihi Sangati rawngbawlna lama thawk deuh bik tura ngaih an ni a, hei vang hian an post zel tur chu Masihi Sangati Kendra Working Committee-in rawtna a siam thin ang a, Synod Mission Board Headquarters-ah a thlen thin ang. Missionary lak tharte pual hian July 15 & 16-ah Orientation Training, Masihi Sangati Kendra, Bawngkawnah neih a ni ang.

□ Kristian Thalai Pawl

♦ July 6-7 khan KTP Gen. Conference inbuatsaihna thlirpuiin Executive Secretary i/c KTP Rev. Lalzuithanga, Leader Rev. Lalrinmawia, Asst. Leader T. Upa Dr. Samuel Vanlalhlanga leh Com. member Pu Saizamliana Sailo te Khawzawl-ah an kal a, Gen. Conference thlengtu tanpuina Rs. 2,30,000/- an hlan a, hemi rual hian National Rural Health Mission (NRHM) hnuai inhlawhna sorkar atanga dawn Rs. 2,00,000/- an hlan nghal bawk. Organising Committee nen inkawm hona hun tha tak an hmang a, hmalak zel dan turte sawi hovin pandal sakna tur hmun remchang Field hrang hrangte an thlir ho bawk. July 8 (Thawhtanni)-ah Organising Committee hi Minister Pu Lalrinniana Sailo hovin an thukhawm a, Conference pandal sakna tur hmun atan Field No. 1 an thlang fel. Meeting hmasa lamah pandal sakna tur atan hian Mualvawm Field thlan fel zet a ni tawh a, he lai hmun hi khua atanga a hlat deuh avangin kawng tam takah harsatna a awm dawnin a lang a, Field No. 1-ah hian pandal sak turin rel a ni leh ta zawk a ni.

♦ July 13-14 hian Mamit Bial KTP Meet hmanpuiin Pu Vanlalhruaia, Committee member CKTP/ Synod Choir Director leh Synod Choir te an kal ang.

♦ July 13-14 hian Lengpui Bial KTP Leadership Training neihpuiin T.Upa Lalhruaizelaleh Pu Samuel Laldingliana, CKTP Com. member-te Lengpui-ah an kal ang.

♦ July 12 (Zirtawpni) 3:00 pm hian CKTP Committee an thukhawm ang a, KTP Gen. Conference 2014/Diamond Jubilee hman dan tur programme an thlir ho ang. CKTP Committee pangngai chu July 23-ah an thu ang.

□ MSSU

♦ July 13 (Inrinni) hian Khawbung Vengpui Kohhranah Sunday School Zirtirtu Training neih a ni dawn a, training neihpui tur hian Tual Upa Lalthahluna Ralte, MSSU Asst. Coordinator; Rev. Ralthansanga Ralte, Bethlehem Veng leh Upa Hrilthansanga, Mission Vengthlang (MSSU Trainer) te an kal ang.

♦ July 13 (Inrinni) hian Tuikual South Kohhranah Sunday School Zirtirtu Training neih a ni dawn a, training neihpui tur hian Pu John Lalhruiailuanga, MSSU Asst. Coordinator; Upa B. Lalhmunliana, Bethlehem Venglai leh T. Upa F. Lalenghluna, Ramhlun Vengthar (MSSU Trainers) te an kal ang. Zan Pathian biak inkhawmah Pu John Lalhruiailuanga Fanau enkawl chungchang thuchah a sawi ang.

Contd..

- ❑ **Residential Choir Conductors' Training wawi 18-na**
 July 16 (Thawhlethni) zan dar 6:30 hian Synod Music Committee buatsaih "Residential Choir Conductors' Training" wawi 18-na chu Pi Zaii Hall, Synod Conference Centre, Mission Vengah neih a ni dawn a, training hian July 19 (Zirtawpni) thleng a aw h ang.
 Pathian hnena Training hlanna inkhawm hi Rev. P.C. Pachhunga, Executive Secretary-in a kaihrui ang a, Upa F. Lalremthanga, Music Coordinator-in Inhmelhriattirna hun a hmang ang a, NI. Laldusaki, Durtlang a zai ang. Synod Moderator Rev. Lalramliana Pachuau-in training hi Pathian hnenah hlanin training hi a hawng ang.
 Training-ah hian Bial hrang hrang 10 atangin Kohhran tin aiawh mi pakhat zel tel tura sawm an ni a, mi 55 vel beisei an ni. Tun tumah hian Upa F. Lalremthanga, Pu Lalromawia, Pu Benjamin Sailo, Tv. H. Lalthazuala leh Tv. C. Zirlianthanga ten Music leh a kaihnawih thil pawimawh hrang hrangte zirtirna an pe ang.
- ❑ **Synod Bookroom Reduction Sale**
 July 8 (Thawhtanni) atang khan Synod Bookroom chuan Mizoram pum huapin Bookroom Branch zawng zawngah 5% - 80% thlenga a man titlawmin lehkhahu leh stationery item chi hrang hrang a hralh chhuak mek a, hei hian July 13 (Inrinni) thleng a aw h ang. Hemi hun chung hian hmun hrang hranga Synod Bookroom-ah lehkhahu chi hrang hrang leh stationery lam thil te lei theih a ni.
 Tun dinhmunah hian Synod Bookroom hian Mizoram pumah Branch 12 leh Distribution Centre a nei mek a, Manipur state chungah te pawh a inzar luh mek zel a ni. Hetianga Reduction Sale neih hi kum tina a tih thin a ni a, mi tam takin lehkhahu tha man tlawm zawka leina remchang atan an hmang thin.
- ❑ **Social Front**
 July 12 - 14 hian Champhai Bethel Bial huapin Champhai Bethel Kohhranah Political Education Seminar neih a ni dawn a, hemi neihpui tur hian Pu Lalremruata, Social Front Campaigner leh Pu Lalrosanga Colney, Synod Office-te an kal ang.
- ❑ **Kohhran Hmeichhia**

 - ♦ July 13 & 14 hian Serchhip Bial huapin Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Lalthansangi leh Pi R. Rengkhumi (Committee Members) te an kal ang.
 - ♦ July 12 - 14 hian kangmun Bial huapin Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi H. Kapthangi, Pi B. Zomawithangi leh Pi Zothanpari (Committee Members) te an kal ang.
 - ♦ July 12 - 14 hian Reiek Bial huapin Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Vanlalzuata, Fin. Secretary; Pi Lalthanthangi leh Pi C. Chawngpuii (Committee Members) te an kal ang.
 - ♦ July 12 (Zirtawpni) nileng leh zan hian Sairang Dinthar Bial huapin Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Zohmachhuani leh Pi K. Lalthangmawii (Committee Members) te an kal ang.
 - ♦ July 13 (Inrinni) hian Ramhlun Vengthar Kohhranah Leadership Training neih a ni dawn a, hemi neihpui tur hian Central Kohhran Hmeichhe hruaitu Pi Lalthanmawii, Ex-Chairman leh Pi C. Lalrinliani (Committee Member) te an kal ang.
- ❑ **Hruaina Eng FM Radio & TV Programme**

 - ♦ **JULY 12 (FM Zoawi Aizawl @ 7:30 p.m.) :**
Solo : Rintea - I ropui Nan, **Zaipawl :** Lunglei Presbyterian Choir - Hmangaihtu Pathian, **Thusawi :** Mizo zirlai te tan a scholarship Dil hmuh theih te, **Solo :** Lalremruata - Lungawina kim, **Zaipawl :** Luangmual Bial Zaipawl - Crown Hlu
 - ♦ **JULY 12 (FM Lunglei @ 7:30 p.m.) :**
Solo : Rintea - I ropui Nan, Synod News tawi, **Zaipawl :** Lunglei Presbyterian Choir - Hmangaihtu Pathian, **Thusawi :** Rev.Vanlalzuata - Kristian Nun - Rinawmna, **Solo :** Lalremruata - Lungawina kim, **Zaipawl :** Luangmual Bial Zaipawl - Crown Hlu
 - ♦ **JULY 14 (TV Programme @ 3:00 p.m.) :**
Zaipawl : Leitan Bial Zaipawl - Ka thla hmangaihtu, **Sermon :** Rev. C. Lianhmingthanga - Ringtute hnena tawngtai hnathawh, **Band :** DrLUKE - Isu, Ka hma hruai rawh, **Bihchianna :** Mizoram Synod Choir, **KTP Film :** Mission Vengthlang KTP
- ❑ **Susamachar Prasaran Programme**
JULY 14 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Tanhril Pastor Bial - Mere Mashi, **Group/Choir/Solo :** Chhinga Veng Masihi Sangati - Isu Bula Raha Hai, **Sermon :** Lalhruaitluanga - Isu Kaun hai, **Group/Choir/Solo :** H. Vanlalringa - Prabu Tera Pyar, **Stuti Geet :** Khul Jayegi Kitabe
- ❑ **Moderator Programme**
 Synod Moderator Rev. Lalramliana Pachuau chuan hetiang hian hun a hmang ang :
 ♦ July 12 - 13 : Interserve Annual General Body Meeting, Pune
 ♦ July 14 - 16 : Kohhran tlawh & CSI & UTC hotute nen inbiak, Bangalore

AIZAWL THEOLOGICAL COLLEGE HRIATTIRNA

Synod Theological Education Board chuan Synod mirawih laite zinga M.Th. leh D.Th. zir duhte tan dilna a la hawng zel a. ATC Faculty Development atana dil duhte tan D.Th. (New Testament, History of Christianity, Communication leh Missiology-ah) leh M.Th. [Christian Theology, Missiology, Christian Ministry (General), Communication]-ah te dil theih a ni. Hrechiang duh chuan office hun chungin ATC Office-ah zawhfiah theih a ni. Dilna chu August 9, 2013 aia tlai lovah thelul tur a ni.

Principal
Aizawl Theological College
Durtlang

